

寧  
羌  
州  
志

建置志

沿革

甯羗在府城西南二百九十里古梁州境也界梁雍之  
交戰國白馬氏之東境名羊鹿坪漢置南夷以廣漢西  
白馬爲武都郡屬隴西之西邑更始時隗囂據焉後隴  
蜀平分屬漢中之沔陽魏武取漢中後隸武都晉末爲  
氐人楊茂搜所據南宋取之屬東益州即沔縣後魏置岷  
冢縣屬漢中郡後分屬利州唐初析綿谷置三泉縣宋  
平蜀先下三泉置大安軍屬大安高宗南渡爲利州路

所治之境開禧中屬沔縣元廢三泉改大安軍爲縣分  
西縣置鐸水縣而移沔州治之有明改州爲縣地仍屬  
焉洪武二十九年僧人田九成據馬面山作亂太祖命  
將討平之明年遣指揮姜觀建甯羌衛成化時建州於  
衛治南編戶五里正德中盜賊藍鄆爲患民多逃亡廢  
永安里止存永甯永清永福永康四里其初楊文德自  
漢中入統汧隴遂有武興之地文度及弟鼠皆自爲武  
興王因以名國集始紹先皆即封焉在漢爲沮水縣地  
後魏幡豕隋西縣唐金牛三泉宋大安州元置鐸水縣

一統志降大安縣屬沔州明甯羌州先領沔略二縣崇  
禎時因縣去州遠不領縣以州隸漢中府其曰甯羌蓋  
亦鞏甯氏羌之義欲羌之永甯耳



卷之三

三

卷

一

一

一

城池

甯羌州治在白馬氏之東羊鹿坪明洪武三十年建衛  
成化二十三年增建州治築城於衛治之南四面繞流  
地勢頗壯建門四東陽和西永連南南薰北通濟嘉靖  
丙午知州蕭遇祥指揮岳喬各依分界增修城樓萬曆  
癸未知州盧大猷補繕我

朝乾隆二十四年知州高自位請項修理周四里四分長

七百九十二丈外磚內土高二丈底寬一丈八尺頂寬  
一丈二尺堞牆垛牆共高五尺城樓四座月城四座上

城柵欄四道嘉慶十五六年秋雨連綿城身堞墉裏城  
土牛東西月城等處均有坍塌知州鄭緒章領項修繕  
同治二年兵燹後知州汪炳煦陳景修羅驤楊翰霄先  
後修補光緒十五年暑雨過多西南山城及東北一帶  
城牆崩坍五段東門樓西南角南門樓南簷及東南城  
水洞均各塌卸知州馬毓華勸捐重修並添建四城角  
更房各一間以資守望

公署

甯羌州署在城南大街東明宏治間知州張簡建正德  
閒知州謝彥朱崇讓重修萬厯中知州方世讓盧大  
謨增修正堂五楹右爲錢帛庫獄在吏目廨旁我

朝順治初知州李楫復葺之雍正元年知州王大士重建  
正堂吏舍同治二年賊擾後知州楊吉雲重修嗣後  
官此者隨時修葺近漸恢宏矣

分駐陽平關州同署在陽平關

吏目署在州署對面大街之西亂後賊燬知州楊吉雲

撥款增繕光緒九年吏目靳相臣捐廉重修

學正署在文瀾

西

詳見學校

訓導現無署寓居書院

甯羌營遊擊署在城北大街髮逆之亂正堂以前俱燬於火今以二堂作正堂宅門作儀門

中軍守備署在城東北隅髮逆亂後止存大堂數椽歷任守備俱賃民房

千總署在西門內外委署四所均在城內

分防黃壩驛把總署在黃壩驛

分防鐵鎖關外委署在鐵鎖關

陽平營參將署在陽平關今改都司署其千總署一所  
外委署三所兵房四百間均在陽平關堡內

分防大安驛把總署在大安驛分防廣坪河外委署在  
廣坪河均於同治二年遭亂被燬

申明旌善亭在州治前

養濟院在州治西北

漏澤園御史龔公署二處在西門外今俱廢



祠祀

社稷壇在南門外北向歲以春秋仲月上戊日致祭爲  
民祈報

神祇壇在南門外南向風雲雷雨神位居中境內山川  
神位居左城隍神位居右每歲春秋仲月致祭

先農壇在南門外歲以三月亥日致祭

厲壇在北門外歲以清明節七月望十月朔日祭厲壇  
於城北郊請城隍神入壇設位正中兩旁設孤魂牌  
位祭畢仍奉城隍神還本壇



文廟在州治西每歲春秋仲月上丁日致祭攷祀典漢

高祖十二年邁魯以太牢祀孔子平帝元始初追謚

孔子褒成宣尼公安帝延光三年祀七十二子於闕

里魏正始七年祀孔子於辟雍以顏回配唐貞觀中

升孔子爲先聖詔州縣皆立廟此州縣建學之始尊尊爲宣

父以左邱明卜子夏公羊高穀梁赤伏勝高堂生戴

聖毛萇孔安國劉向鄭衆杜子春馬融盧植鄭康成

服虔何休王肅王弼杜預范甯賈逵共二十二入配

享廟堂開元中勅改十哲爲坐像曾參坐十哲之次

圖畫七十子及二十二賢於廟壁復贈孔子爲文宣  
王位正南面衣以袞冕牲用太牢樂舞八佾十哲東  
西列侍顏子贈公餘贈侯伯宋元豐七年以孟子同  
顏子配食荀況楊雄韓愈並從祀崇甯四年詔文宣  
王冕用十二旒服九章大觀二年詔躋子思子從祀  
淳祐元年加周敦頤程顥張載程頤封爵與朱熹並  
從祀景定二年復加張栻呂祖謙從祀咸淳三年始  
以曾參孔伋與顏孟爲四配升顥孫師於十哲列邵  
雍司馬光從祀元大德十一年加號孔子大成至聖

文宣王皇慶二年以許衡從祀延祐三年加封顏回  
充國復聖公曾參廊國宗聖公孟軻鄒國亞聖公至  
順元年加封叔梁紇爲啟聖王明洪武三年詔孔子  
封爵仍舊二十六年頒大成樂器於天下府學令州  
縣取式於府學二十九年以董仲舒從祀罷楊雄宣  
德十年以吳澄從祀正統二年以胡安國蔡沈真德  
秀從祀三年禁祀孔子於釋老宮宏治八年以楊時  
從祀嘉靖九年改大成至聖文宣王曰至聖先師孔  
子四配曰復聖顏子宗聖曾子述聖子思子亞聖孟

子東西十哲兩廡及門弟子曰先賢某子左邱明以

下曰先儒某子又別立祠祀叔梁紇爲啟聖公

此啟聖祠

之始以顏無繇曾點孔鯉孟孫激配享稱先賢程珦朱

松蔡元定從祀稱先儒罷公伯寮秦冉顏何荀況戴

聖別向賈逵馬融王肅王弼何休杜預吳澄十三人

又以申黨申棖賈係一人去黨存棖增祀后蒼王通

歐陽修胡瑗陸九淵而以林放蘧瑗鄭衆盧植鄭康

成服虔范甯七人各祀於其鄉撤諸塑像易以木主

太學用八佾十二豆邊郡國減二等自四配以下舊

封公侯伯爵盡行釐革隆慶五年以薛瑄從祀萬曆  
十二年益以王守仁陳獻章胡居仁二十三年以周  
輔成從祀啟聖祠四十一年以羅從彥從祀四十五  
年以李侗從祀崇禎十五年改周邵二程張朱稱先  
賢位七十子下我

**朝**順治二年定謚號稱大成至聖文宣先師孔子文廟爲  
中祀十四年仍稱至聖先師孔子康熙二十六年修  
飭禮樂令學官擇俊秀習佾舞二十九年立官民下  
馬牌三十九年

御製

至聖先師贊暨四賢贊頒學勒石四十九年定二丁致  
祭武宮一體行禮五十一年升朱子於十哲之次五  
十三年以范仲淹從祀雍正元年追封孔子五代王  
爵啟聖祠改爲崇聖祠各省學宮建忠義孝弟祠仍  
建節孝祠於學宮之外二年議定先儒復林放蘧瑗  
秦冉顏何鄭康成范甯增縣亶牧皮樂正克公都子  
萬章公孫丑諸葛亮尹焯魏了翁黃幹陳淳何基王  
柏趙復金履祥許謙陳澹羅欽順蔡清陸隴其從祀  
增張迪從祀崇聖祠三年避聖諱加下讀爲某頒文

廟禮樂圖籍孔子誕辰齋戒一日乾隆三年升有著  
於十哲復祀先儒吳澄五年定樂舞用六佾設樂舞  
生四十名免其府縣考試甯羌文廟創建於明正統  
閒指揮胡貫楊懔成化時指揮王瑄增建東西廡各  
七閒我

朝

嘉慶十七年知州鄭緒章領項重修規制宏敞同治三  
年賊擾廟燬五年九州楊吉雲重建大成殿五楹櫺  
星門一座六七兩年知州汪炳熙陳景修接修嗣陳  
景修卸任移交學正孫燕禮經理畢工

崇聖祠在文廟北祭日與文廟同而禮先於文廟

名宦祠在文廟戟門左祀劉蔡嚴如煜二人劉字青岑山東諸城人康熙乙丑進士由湖南長沙縣升甯羌州懋任至四川布政使其在州時值歲大饑開倉賑濟不待報可嘗以山地枯瘠鮮有人耕而歲賦正供額浮於地請核實裁減事得施行又教民因山畜蠶以織繭至人良賴其利事蹟詳見循吏傳嚴字樂園湖南澧浦人由嘉慶元年孝廉方正歷陝西知縣至按察使其在漢中府陝安道時整飭撫綏敦勸農桑



俾南山居民各知勤業向化獷悍之風頓改而持躬  
廉儉時尤稱焉道光六年贈布政使銜入祀名宦祠  
漢中興安兩府屬均飭崇祀

鄉賢祠在文廟戟門右祀前明謝思道劉炎王良徐  
大衍四人事實俱詳人物

忠義孝弟祠在文廟禮門外同治十一年知州羅驥重  
建

節孝祠在文廟義路門外同治十一年知州羅驥重建  
武廟在北門內大街每歲春秋仲月及五月十三日致

祭後殿奉光昭公裕昌公成忠公神位同日致祭廟  
修於康熙三十四年百餘年來時有修葺之役光緒  
六年知州李修德重建廟側官廳三間

文昌廟在文廟左每歲春秋仲月及二月初三日致祭  
嘉慶六年五月奉

上諭文昌帝君主持文運福國佑民崇正教闢邪說靈蹟最  
著海內崇奉允宜列入祀典用光文治著禮部太常  
寺將每歲春秋致祭之典及一切儀文做照關聖帝  
君廟定制詳查妥議具奏嗣奏准一切儀注祭品與

關帝廟儀同又太常寺奏准文昌帝君三代姓名查  
無確據未便請加封號謹擬增製神牌一分牌面書  
文昌帝君先代神位致祭儀注亦與關帝後殿同廟  
之殿宇不知肇自何人嘉慶十八年庠生李天培道  
光元年邑大和功德劉元魁等先後增葺兵燹以來  
木石殘缺光緒七年訓導吳正運倡捐重修知州徐  
德懷提贊助之踰年功竣立有碑記

城隍廟在州治西北前明知州張簡王儒盧大謨先後

修葺我

朝嘉慶二十年知州丁瀚重修嗣後官民隨時繕補

龍神廟在城隍廟西春秋仲月由地方官誦吉致祭

呂祖廟每歲春秋仲月致祭

劉猛將軍祠在南門外每歲春秋致祭會典分注神護承忠元時官指揮能驅蝗元亡自沉於河

劉公祠在南門內道光二十四年知州孫玉麒重建祀

四川布政使前任甯羌州知州劉棻事蹟詳見名宦

昭忠祠在州城西同治二年遭賊燬後僅借火神廟西

邊小屋供奉水主光緒十五年知州馬毓華在火神

廟對面選得公地一段籌款重修計建正殿三楹中龕祀歷次死事文武各官東龕祀陣亡馬步兵丁西龕祀城鄉殉難紳民接簷拜殿三間東西兩廡各三間東爲官廳西收祭器圍牆照壁一律修完通稟有案殿牆泐有壁記

火神廟在西門內春秋致祭

蔡王廟在治西光緒十二年重修

五隍廟在治西北

東嶽廟在治西明永樂間建今廢

老官廟在陽平場

奎星樓一在城什字中一在城東南隅一在南門外一

在高砦子東鄉村市鎮多建之以培文脈

起鳳樓在文廟前以山形如鳳故名今廢

桂香樓御史龔懋賢建樓下有碑今廢

崑盧寺治西百步明洪武間建即僧會司也今廢

蓮巖寺州北一百三十里唐宋以來古刹也有鐵佛三

尊亦名鐵佛寺明神宗朝重修殿宇鎔銅一萬五千

筋鑄爲接引佛像有郡人王以正李一鰲碑記我

朝以來間有修葺之役光緒七八年寺僧蒙元成出貲重修屋宇連接規制恢宏邑人呼爲大寺貢生童元吉撰有碑記

鎮江寺在胡家壩背山面水一方勝境

柏林寺在柏林驛

滴水寺在滴水鋪

天臺寺在寬川鋪東

金龍寺在白崖河

黑龍寺州東三十里

迴龍寺州東五十里

龍鳳寺州東五十里

興龍寺州東八十里

蓮花寺州東一百里

清涼寺州東一百二十里

茅崖寺州西三十里

天池寺州西一百四十里

千佛寺州西一百四十里

朝陽寺州西一百五十里



觀音寺州西一百七十里

三教寺州西二百六十里

龍門寺州西北一百二十里

石佛寺

興華寺

聖壽寺

東山觀州東一里明萬曆年知州畢如松拓修面對南山旁臨玉帶河有沈瑜碑記髮逆亂後廟宇坍塌近

已重修

西山觀西門外渡河百步面城臨水差可遊覽今廢  
北山觀城北二里竹樹圍繞溪水旁流鳥語花香頗饒  
清趣自明迄今屢有重修之役

太元觀在治西北儒林坊左今廢

秀峰觀大安驛街後與蓮屏山相對明嘉靖間建峰巒  
聳翠樹木陰濃爲一鎮勝地知州羅驥設秀經義學  
於其下

妙相觀大安驛街東舊名玉皇觀宋紹興十六年修  
玉皇觀一在唐家壩一在州東十里

中臺觀在州北一百六十里中臺山明萬曆丙午建殿  
宇壯麗氣象森嚴高據一方之勝有沈恆碑記

南極觀西門外蓮花池西岸今廢

北極觀州南七里

圓山觀州南六十里

寶竹觀州西二十五里

元真觀州西八十里

金城觀在餘全壩

普陀庵州西十里

迴龍庵州西十里

安養社在大安驛

大興庵州北三十里

管子

卷二

七

學校

甯羌州儒學舊在州城羊鹿坪宋慶厯中建明正統四  
年指揮胡貴楊棕奏設衛學移置州治西北成化十七  
年指揮王暄修理二十二年改衛學爲州學東抵太原  
觀南抵王所園北抵州倉知州方世讓李應元王一鳴  
先後增修宏治二年知州張簡重修提學副使戴珊有  
記萬厯二十四年知州盧大謨建號房二十四間學正  
宅在堂東訓導宅在堂西御使龔懋賢建今俱無矣我  
朝康熙二十三年知州郭景隆改建四十二年知州石曰

琮遷於城東南隅雍正二年署州州同張名標仍遷於  
羊鹿坪知州王大士落成嘉慶十七年知州鄭緒章修  
學正署一區

原額學田一十二畝六畝在羅村壩六畝在大安驛共  
徵租銀一兩二錢除大安驛學田六畝於嘉慶十六年  
五月被水沖沒呈明有案實存學田六畝徵租銀六錢  
入學額數會典甯羌州中學歲科試各額進文生員十  
二名廩生三十名增生三十名三年兩貢歲試額進武  
生十二名撥府學三名

書院

甯羌州舊無書院嘉慶十七年知州鄭緒章修理文廟  
隨創建書院一所學舍講堂規制頗爲宏敞題額曰振  
文書院其經費係取資各場集州署有案髮逆之亂學  
舍大半傾圮知州羅驥捐貲重修並籌畫各項經費講  
堂立有碑記

各場原收膏火錢三百九十四千文兵燹以後各場僅  
收錢二百五十四千文

振文書院山長每年脩金膳費錢一百四十千文



兩學監院每年薪水錢二十四千文

生童月課膏火錢六十八千文

禮房紙筆院夫口食俱在內不敷之數官爲捐辦

光緒三年六月奉

撫憲譚飭發銀五百兩交商生息

每年息銀五十兩生童課試按十箇月分攤加獎知州  
羅驥捐置城西高家坪水田二十四畝每年收租穀二  
十四石城北教場壩水田五畝半旱地三段每年收租  
穀十二石共收租穀三十六石除發給禮房門斗經理  
薪工穀二石外額定肄業生童膏火十七名二月起十

一月上每名每月支穀二斗共支穀三十四石  
水田旱地每年共完民糧銀九分屯糧銀二錢四分四  
厘由書院按年完納

附 賓興

甯羌距省最遠每逢大比寒士資斧艱難應鄉試者寥  
寥光緒十六年知州馬毓華函商邑紳甘肅涼州府知  
府陳才芳四川銅梁縣知縣李蔚霖各捐廉俸以爲起  
倡共湊捐銀一千五百兩發商生息作爲賓興經費滿  
年一分統計三年可得息銀三百五十兩遇鄉試年諸

生應試者在省呈驗卷票按名給發以資津貼議立章程稟明有案

義學

甯羌州舊設義學五處經費取資各場髮逆亂後場市  
澹泊義學經費幾無從出知州羅驥籌捐仍設州城北  
關大安驛義學二處改設州城南關陽平關義學二處  
共捐經費錢七百七十四千八百文發商生息每年息  
錢一百三十千文以爲各義學脩脯之費嗣因商戶閒  
有倒閉將錢提出另當水田三十二畝每年收租穀三  
十二石州署學署均有案

本城北關蒙泉義學每年脩金膳費穀七石

本城南關申明義學每年脩金膳費穀七石

大安驛秀峰義學每年脩金膳費穀七石

陽平關雞峰義學每年脩金膳費穀七石

經理租穀之禮房書斗每年給薪工穀四石

烈金壩漢源義學迤水河仰山義學黃壩驛文安義學

今俱廢

試院

甯羌向無試院每考在州署局試道光二十八年知州  
孫玉麒諭前邑紳武舉李篤生貢生張獻廷等勸捐各  
牌在州城南門內建修考院一所計大堂三間東西號  
舍十間儀門三間轅門照壁一座因經費不繼工未完  
竣咸豐五年李篤生之子國瀛由山西洪洞縣丁憂回  
籍捐廉補修規模粗就嗣因歷年既久應試人多號舍  
不敷頽形擁擠光緒十六年知州馬毓華籌款重修計  
添建北號後楹五間二堂三間南北廂房六間廁屋一

間從前之土桌土橈一律全換木桌橈所有公案机橈  
床椅鍋竈家具等件製備齊全院牆泐有壁記通稟  
察卷存禮房

驛遞

柏林驛南至黃壩驛四十五里北至寬川驛六十里原額馬四十三匹馬夫二十一名半扛夫七十名

黃壩驛南至四川廣元神宣驛六十里北至柏林驛四十五里原額馬四十三匹馬夫二十一名半

寬川驛北至沔縣青羊驛六十里南至柏林驛六十里原額馬四十三匹馬夫二十一名半

以上三驛夫馬工料並扛夫工食銀四千七百二十八兩九錢三分六釐內除扣二五節省銀一千



一百八十二兩二錢三分六釐又六分減平銀二  
十一兩二錢八分又供驛銀六百三十二兩一錢  
一分六釐又驛站奏銷費添平解費等項銀四百  
四十七兩五錢統共扣除銀二千二百八十三兩  
一錢三分二釐不領外實領銀二千四百四十五  
兩八錢四釐在府庫按季請領

沔縣撥支夫馬工料銀二百二十五兩七錢六分  
四釐內除扣二五節省銀五十六兩四錢四分一  
釐又六分減平銀十兩一錢五分六釐又七分餘

平銀十一兩一錢四分一釐五毫  
不支外實支銀  
一百四十八兩二分五釐五毫

支扛夫工食銀五百五十兩九錢七分二釐內除  
缺額銀三十四兩不支外實支銀五百一十六兩  
九錢七分二釐在沔縣分季撥支



鋪舍

總

鋪

北州前關

浣石鋪

北五里

滴水鋪

北三十里

五丁鋪

北四十里

寬川鋪

北六十里

阜角鋪

北八里

柿樹鋪

北九里

金堆鋪

北一百一十五里

土門鋪

西十五里

箭亭鋪

西十五里

飛仙鋪

西三十里

大家鋪

西七十里舊志有今廢

野狐鋪

西九里

鐵佛鋪

西一百四十里舊志有今廢

黃土鋪

西一百二十五里即老君鋪

卷之三

建置

鋪舍



賦役志

地丁

民地原額實熟地三十六頃二十八畝八分八毫每畝  
科糧四升一勺三抄二撮八圭三粟八粒內除豁減  
按實科算每畝科糧三升七合一勺四撮四圭八粟  
五粒每石折征銀二兩四錢四分一釐八毫七絲三  
忽共征銀三百二十七兩九錢一分八釐二毫  
額外青羊太安二驛招墾地糧銀一十三兩四錢六分  
五釐又柏林驛九釐銀五兩九錢七分一釐

柏林驛折色糧三十九石六升六合四勺一抄折征銀  
三十六兩二錢四分二釐折色草四十束征銀一兩  
二錢

民丁原額三千三百四十二丁每丁征銀二錢二分五  
釐九毫共征銀七百五十五兩二錢六分二釐

額征均徭銀一十七兩八錢六分二釐

又征停免銀六兩七錢八分

按地丁均徭及額外青羊大安等驛折色停免共  
銀一千二百六十四兩六錢九分二釐內除雍正

五年通省以銀均丁案內減銀一百四十九兩九錢二分八釐又以糧載丁案內因起運不敷減除在存留內減銀五百五十兩九錢七分七釐實銀四百六十三兩七錢八分七釐

又乾隆元年起至二十六年止編審案內增補屯丁銀一百五十四兩三錢七分七釐乾隆三十一三十六等年編審案內增補屯丁銀七十六兩二錢八分五釐

以上民地丁並抵補屯更共銀六百九十四兩四



錢四分九釐內除嘉慶十六年道光九年被水沖  
刷甯羌陽平兩營營地豁免銀五錢三分七釐實  
征民地丁銀六百九十三兩九錢一分二釐

額外課程銀二兩二錢七分藥味銀二兩腳價銀一兩  
一錢五分

屯地原額八十九頃六畝四分每畝科糧不等共糧  
百九十一石三斗三升七合每糧一石折征銀一兩  
共征銀一百九十一兩三錢三分七釐條馬銀一十  
五兩七錢九釐在內

屯丁原額八十五丁每丁征銀一錢共征銀八兩五錢  
又康熙八年起至乾隆二十九年止召回屯地新收  
各丁統共原額續收實征銀二十六兩二錢九分四  
釐

新增銀四錢四分五釐

以上屯地丁並新增共銀二百一十八兩七錢五  
分六釐



里甲 戶口附

永甯里

永清里

永福里

永康里

按甯羌向止四里今分四十八牌

本城南牌

北牌

東路羅村壩牌

鐵鎖關牌

胡家壩牌

唐家壩牌

老戴壩牌

南路七里壩牌

迴水河牌

黃壩驛牌

麥子坪牌

八廟河牌

二郎壩牌

西流河牌

西路沙河子牌

板踏河牌

三道河牌

大竹壩牌

陽平關牌

黃家壩牌

清 河牌

上清河牌

青岡坪牌

八海河牌

木槽溝牌

安樂河牌

廣坪河牌

柳樹壩牌

金山寺牌

青木川牌

石甕子牌

葉子壩牌

北路東皇溝牌

抄紙衛牌

何家壩牌

流溪溝牌

徐家壩牌

賈家坪牌

中路柏林驛牌

滴水鋪牌

寬川鋪牌

烈金壩牌

大安鎮牌

桑樹灣牌

啟甯山牌

白崖河牌

導嶺溝牌

南沙河牌

共計二萬五千九百一十一戶男女大小六萬五千七  
十六丁口



俸工

知州養廉銀

六百兩

俸薪銀

八十兩

公費銀

二百六十兩

門子二

名歲支銀一十二兩

皂隸作作十六名

歲支銀九十六兩

馬快八名

歲支銀一百三十四兩四錢

民壯四十六名

歲支銀二百七十六兩

禁卒八

名歲支銀四十八兩

轎傘夫七名

歲支銀四十二兩

庫子四名

歲支銀二十二兩

十四兩斗級四名歲支銀二十四兩

孤貧二十名

歲支口糧銀七十二兩

花布銀四兩鋪司兵三十八名

歲支銀二百二十八兩

陽家河水

手二名歲支銀二兩九錢

學正訓導二員俸薪銀八十兩廩生三十名

歲支月糧銀六十七兩五



錢一分 齋夫六名歲支銀三十六兩 膳夫二名歲支銀三兩三錢 門斗

三名歲支銀二十一兩六錢

州同養廉銀六十兩 俸薪銀六十兩 門子一名歲支銀六兩 阜隸

六名歲支銀三十六兩 三馬夫傘夫二名歲支銀一十二兩

吏目養廉銀六十兩 俸薪銀三十一兩二分 門子一名歲支銀六兩

阜隸四名歲支銀十四兩 二馬夫一名歲支銀六兩

黃壩驛驛丞俸薪銀三十一兩二分 阜隸二名歲支銀十二兩

鄉飲銀五錢五分五釐二毛

按黃壩驛丞道光十二年奉文裁汰又道光二十

三年奉文除廩生膳夫不減平其餘俸工均減二成每兩再減六分平又道光二十三年鄉飲紙劄奉文裁汰又同治十年奉文鋪司減四成各官俸薪減三成各役工食減二成廩生每兩減平六分孤貧每兩減一錢五分以上各項裁減銀兩按季解司報撥



倉儲

常平倉原額京斗穀一萬七千三百石除歷年動用外  
存穀五千八百二十六石九斗

社倉六所原額穀石嘉慶三年四年被賊焚掠三處其  
餘軍需動用外存京斗穀一百五十石二斗九升

以上常平社倉各穀同治二年復被賊擾焚掠無  
存

光緒二年知州何福奎奉文勸捐義倉京斗穀一千石  
又捐錢一千零一十四千移交後任署知州田運昌

買穀六百九十六石九斗二共儲存京斗穀一千六百九十六石九斗

又光緒六年奉文勸捐義倉至八年止城鄉共捐義穀京斗六千三百一十六石五斗四升內在城儲穀一千五百六十六石四斗餘均分儲四鄉

按常平倉厥舊址向在州署東偏同治二年賊擾焚燬無存知州何福奎復修大東倉三間知州馬毓華復修東南倉三間大南倉三間分儲義穀

稅課

原額鹽引九百四十四道每引一道完課銀一錢五分  
共完課銀一百四十一兩六錢乾隆五十八年奉文  
改歸地丁又於嘉慶十二年招商領引十四年仍歸  
地丁每地丁正銀一兩攤征鹽課銀四分三釐八毫  
七絲三微六纖九杪原額地丁正銀九百一十二兩  
四錢二分七釐共攤征鹽課銀四十兩零二分八釐  
原額牙帖六張每年完課銀二兩三錢光緒十一年續  
捐牙帖十七張完課銀十九兩二錢新舊共完課銀

二十一兩五錢

畜稅每價銀一兩完課銀三分向無定額儘收儘解  
地稅每價銀一兩完課銀三分向無定額儘收儘解